

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

02. Allaffeqarfimmiit oqaasiinnartigut paasissutissiissutit

Imm. 2.1 Allaffeqarfimmiit oqaasiinnartigut paasissutissiissutit

03. Aningaasaqarnermut tunngasut

Imm. 3.1 Atugarissaarnermut immikkoortortamut ukiup sisamararterutaata pingajuannut nalunaarusiaq

04. Suliassat nalignnaasut

Soqanngilaq

05. Sulisoqarnermut tunngasut

Soqanngilaq

06. Paasissutissiissutit

Imm. 6.1 Siulittaasup tulliata aalajangiinera pillugu paasissutissiissut. Sisimiuni Maniitsumilu innuttaasunut ulloq unnuarlu angerlarsimaffimmi ikiorteqarfimmut ilassutitut aningaasaliissuteqaqqinnissamut qinnuteqaat.

Imm. 6.2 Kaajallatsitaq nutaamut atuutilersumut ilisimatitsissut

08. Tamalaat

Imm. 8.1 Tamalaat

Ataatsimiinneq aallartippoq nal. 13:18

Peqataasut:

Inuit Ataqtiguit

Juliane Enoksen, Siulittaasoq, Sisimiut
Agathe Fontain, Sisimiut

Siumut

Barnabas Larsen, Kangaamiut
Aqqalu Skifte, Maniitsoq

Naleraq

Paneeraq Olsen, Sisimiut

Nalunaaruteqarlutik peqataanngitsut:

Kirstine Olsen, Siulittaasup tullia, Sisimiut

Nalunaaruteqaratik peqataanngitsut

Imm. 01 Oqaluuserisassat akuersissutigineri

Aalajangiineq

Akuersissutigineqarput.

02. Allaffeqarfimmiit oqaasiinnartigut paasissutissiissutit

Imm. 2.1 Allaffeqarfimmiit oqaasiinnartigut paasissutissiissutit

Soqanngilaq.

03. Aningaasaqarnermut tunngasut

Imm. 3.1 Atugarissaarnermut immikkoortortamut ukiup sisamararterutaata pingajuannut nalunaarusiaq

Journalnr. 06.01.01

Tunuliaqutaq

Ukiup ingerlanerani ingerlatsivinni qaammatit pingasukkaarlugit atuiffiit pingaarnerit qullersaqarfimmit nalunaarusiorneqartassapput.

Matumuuna Atugarissaarnermut immikkoortortamut 2022-mi ukiup sisamararterutaata pingajuannut aningaasaqarnermut nalunaarusiaq saqqummiunneqarpoq.

Maleruagassatigut tunngavigisaaq

Qeqqata Kommunianut karseqarnermut naatsorsuuserinermullu malittarisassat. Aningaasaqarneq pillugu nalunaarusiortarneq, missingersuusiortarneq malinnaatitsisarnissarlu pillugit Qeqqata Kommuniani ilitsersuut

Pissutsit atuuttut

Aningaasaqarnermut takussutissat ataaniittut 2022-mi septemberip naanerani naatsorsorneqartuni kisitsisini oqimaaqatigiissitsinnermit aallaaveqarput.

2022-mi ukiup sisamararterutaata pingajuannut oqimaaqatigiissitsineq ilanngussami takuneqarsinnaavoq.

Immikkoortortaq tamaat eqqarsaatigalugu 2,1 procentimik atuinikiffiuvoq. Siusinaartumik pensionini ilassutitut aningaasaliisoqarnissaanik qinnuteqaatit akuerisaasut kingunerivaat, Atugarissaarnermi immikkoortortamut atuiillaartoqarnissaanut takussutissaqanngitsoq.

Sisimiuni angerlarsimaffeqanngitsunut unnuisarfik annikitsumik atuiallaarfiuvoq, tassani qaangiuttoornermi akissarsiaqartitsineq patsisaavoq, tamannalu coronap nalaani, nalliuttuni napparsimasoqarneranilu pisariaqarsimalluni.

Maniitsumi angerlarsimaffeqanngitsunut unnuisarfimmi annertuumik atuiallaartoqarsimavoq, ukiup nillernerpaaffiani ukiukkut qaammatit sisamat ingerlaneranni ammasarnerup sivitsuiffiusimaneranik patsiseqarpoq.

Angerlarsimaffeqanngitsunut unnuisarfimmi akissarsiaqartitsinermi aningaasartuutit sipaarfigineqarnissaannut ammasarfiit sivikillineqarnikuupput.

Maniitsumi Ilaqutariinnik Inerisaavik illumut nutaamut nutseqqammeramik atuiallaarfiuvoq, taamattumillu nutsernermut atatillugu aningaasartuuteqartoqarnikuulluni.

Maniitsumi najugaqatigiiffik 6,3% pointimik atuiallaarfiluvoq, tassa najugaqatigiiffiit tamakkiisumik najugaqarfigineqarmata, taamaattumillu annertunerusumik sulisunik atuisoqarluni, qasuersaartarfittaaq ulikkaqqasimavoq.

Sisimiuni ilaqutariinnik kiffartuussivimmi atuinikinnerusoqarpoq, meeqqanut ornittagaq aaamma MANU-mut siunnersortimut namminersorlutik oqartussanit tapiissutinik peqquteqartumik. Meeqqat ornittagaannut 2021-mut 2022-mullu tapiissuteqartoqarnikuuvoq, taamaattumik annertuumik atuinikinneruffiuvoq.

Innarluutilinnut immikkoortortami innarluutillit inissinneqarsimasut ikiliniikummata atuinikinnerusoqarpoq.

Atuilluartuunissakkut kingunerisinnaasai

Kinguneqaatissaqanngilaq.

Aningaasaqarnikkut allaffissornikkullu kingunerisinnaasai

Kinguneqaatissaqanngilaq.

Allaffeqarfiup naliliinera

Allaffeqarfik naliliivoq, ukiup sisamararterutaanut nalunaarusiaq tusaatissatut tiguneqassasoq.

Innersuussut

Suliaq Atugarissaarnermut ataatsimiitsitaliamut ukiup sisamararterutaanut nalunaarusiaq akuersissutigineqaqqullugu tusaatissatullu tiguneqaqqullugu saqqummiunneqarpoq.

Aalajangiineq

Innersuussut tusaatissatut tiguneqarpoq.

Ilanngussaq

1. Ilanngussaq 1, ukiup sisamararterutaanut nalunaarusiaq

04. Suliassat nalinnaasut

Soqanngilaq.

05. Sulisoqarnermut tunngasut

Soqanngilaq.

06. Paasissutissiissutit

Imm. 6.1 Siulittaasup tulliaata aalajangiinera pillugu paasissutissiissut. Sisimiuni Maniitsumilu innuttaasunut ulloq unnuarlu angerlarsimaffimmi ikiorteqarfimmut ilassutitut aningaasaliissuteqaqqinnissamut qinnuteqaat.

Journalnr. 06.02.01

Tunuliaqutaq

2022-mi oktobarip arfernanni ataatsimiititaliap napparsimmavimmut pularnerani ataatsimiititaliaq erseqqissaaffigineqarpoq, kræfteqarluni uninngasunik tamatigut pingasunik peqartuaannartoq. Innuttaasut angerlarsimaffimmi ikiorteqartut angerlarsimaannarsinnaagaluarput aammalu peqqissarneqarnissamut pisariaqartitsineq annertusigaangat aammalu killiffissaasa piffissaasa naanerani luunniit taamaallaat "unitsinneqartarlu tik".

Angerlarsimaffimmi ikiortit massakut sumiiffimmiit sumiiffimmut pisuttarput tamannalu piffissangaatsiamik atuiffiusarpoq, piffissaq angerlarsimaffimmi ikiortit atuuffittut atornerarsinnaagaluarpoq.

Maleruagassatigut tunngavigisaq

Pisortanit ikorsiissutit pillugit Inatsisartut peqqussutaat nr. 10, 10 november 2006-imeersoq Angerlarsimaffimmi ikiorteqartitsisarneq pillugu Namminersornerullutik Oqartussat nalunaarutaat nr. 32, 26. juli 1994-imeersoq.

Pissutsit atuuttut

Suliniutip piffissaata 2022-mi januaarip aallaqqaataani Qeqqata Kommuniani ulloq unnuarlu angerlarsimaffimmi ikiorteqarnerup naanera kingorna, ingammik kræftimik napparsimasut utoqqaallu utoqqaat angerlarsimaffianni inissamik utaqqisuusut, allatut ajornartumik napparsimmavinni unitsinneqartarput, ulloq unnuarlu ikiorneqarnissamut periarfissaqanngitsumi angerlarsimasinnaanngimmata.

Qeqqata Kommuniata amerlarsuutigut akigititaq qaffasinnerpaaq akerlartarpaa, isumaginninnikkut takussutissaqartumi, tassa imaappoq ulloq unnuarlu ikiorneqarnissaq pillugu neqerooruteqartuuppat napparsimasut angerlarsimaannarsinnaagaluartunut napparsimmavimmi uninngatittariaqarnerinut. Ulloq unnuarlu ikiorteqarfimmik pilersitseqqinnissaq qanoq akeqassanersoq allaffeqarfiup misissornikuuaa, ATV-nik pissarsinissamik pisariaqartitsisoqassaaq taamaalilluni angerlarsimaffimmi ikiortit apuuffissaminnut tullermut sukkanerusumik apuussinnaaniassammata. Taakku saniatigut illoqarfinni tamani sulisut pingasunik annertusinissaat pisariaqassaaq. Allaffeqarfiup siunnersuutigivaa, Aningaasaqarnermut ataatsimiititaliami akuersissuteqarnerup kingorna, missiingersuutit iluanni 2022-mi decembarip 15-iannit ulloq unnuarlu angerlarsimaffinni ikiorteqarnissamut periarfissiisoqarsinnaasoq.

Atuilluartuunissakut kingunerisinnaasai

Atuilluartuuneruvoq ungasinnerusumilu missiingersuutini sipaarutaalluni.

Aningaasaqarnikkut allaffissornikkullu kingunerisinnaasai

Sisimiuni 2023-imi januaarip aallaqqaataannit ukiunilu missiliuuteqarfiusuni angerlarsimaffimmi ikiortit akunnermusialinnik immikkut pingasunik atorfinitsitsinermut Napparsimmavimmi uninngatitsinermut nuutsisoqarnissaa pillugu missiingersuutini aningaasartuutaanngitsoq pillugu qinnuteqartoqassaaq.

**Atugarissaarnermut Ataatsimiititaliap januar-ip 17-ani 2023-imi ileqqusumik ataatsimiinnera
01/2023 – Imaqarniliaq**

Biilinngaannit ingerlatsinermi akikinnerusuusumik ATV-nik orussamillu pissarsinissamut ilassutitut aningaasaliisoqarnissaa pillugu qinnuteqartoqassaaq, ilaatigut angerlarsimaffimmi ikiortit assartorneqartarnissaanut atorneqartussamik.

Atuiffiup normua	Atuiffiup taagutaa	Aningaasaliissutit	Ilassut	Nutaamik aningaasaliineq
551030100 - 122150700	Napparsimmavimmi uninnganeq	645.375	-500.000	145.375
551030201-122010200	Akunermusiallit kingumoortut	1.999.842	500.000	2.499.842
551030201-122170100	Atortorissaarutit, atortussat	0	130.000	130.000
551030201-122081500	Orussaaq	8.221	8.221	16.442
Immikkut aningaasat qin.			138.221	138.221

Maniitsumi angerlarsimaffinni ikiorteqartitsinermut missingersuutit Sisimiunut sanilliullugit qaffasingaatsiarput, taamaattumik missingersuutit - atuiffik 552030201-122010200 iluani sulisunik pingasunik atorfinitsitsinissamut periarfissaqarpoq.

Innersuussut

Atugarissaarnermut Immikkoortortaqarfik Atugarissaarnermut Ataatsimiititaliap siulittaasuata tullianut innersuussutigivaa akuereqqullugu

1. Aningaasaqarnermut ataatsimiititaliami akuersissutigineqarnerata kingorna 2022-mi decembarip 15-anni atuutilersumik pingasunik sulisoqarluni ulloq unnuarlugu angerlarsimaffinni ikiorteqartitsineq aallartinneqassasoq
2. Ukiumut missingersuusiortiusunut 2023-mut ukiunullu missiliuuteqarfiusunut, sulisunik pingasunik sulilersitsinissamut kiisalu ATV-nik pissarsinissamut kiisalu orussap qaffanneranut nuutsineq ilassutitullu aningaasaliineq akuersissutigineqassasoq

Siulittaasup tulliaa aalajangiinera

Innersuussut ulloq 05.12.2022 ataatsimiititaliap siulittaasuata tullianit akuersissutigineqarpoq.

Atugarissaarnermut Ataatsimiititaliap suliamik suliareqqiinera

Innersuussut

Siulittaasup tulliaa ulloq 05.12.2022 akuersissutaa tusaatissatut tiguneqassasoq.

Aalajangiineq

Innersuussut tusaatissatut tiguneqarpoq.

Ilanngussaq

Imm. 6.2 Kaajallatsitaq nutaamut atuutilersumut ilisimatitsissut

Journalnr. 41.00

Tunuliaqutaq

Isumaginninnermi ikiorsiissutit tunniunneqartartut atuuttut pillugit kaajallaasitaq ulloq 1. januar 2023 aallarnerfigalugu atuutilersaq paasissutissiiffiqineqarpoq Atugarissaarnermut Immikkoortortaqaarfimmiik.

Maleruagassatigut tunngavissat

Utoqqalinersiaqarneq pillugu Inatsisartut inatsisaat nr. 20 23. november 2015-imeersoq
Siusinaartumik utoqqalinersiaqarneq pillugu Inatsisartut Inatsisaat nr. 40 af 9. december 2015-imeersoq
Meeqqanut tapiissutit pillugit Inatsisartut inatsisaanni nr. 9, 7. december 2009-imeersoq Meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersoq
Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaanni nr. 1, 25. januar 2019-imeersoq
Inuit innarluutillit tapersorsorneqarnissaannut Namminersorlutik Oqartussat nalunaarutaanni nr. 29, 7. august 2020-imeersoq
Inersimasunut paaqqinniffiit immikkut ittut pillugit Inatsisartut peqqussutaanni nr. 6, 28. april 1988-imeersoq
Meeqqanut akilersuutit il.il. kiisalu meeravissiartaarnermi tapiissutit tunniunneqartarneri pillugit Inatsisartut peqqussutaat nr. 2, 3. marts 1994-imeersoq

Pissutsit atuuttut

Atugarissaarnermut Immikkoortortaqaarfiup Kaajallatsitat 2023-imut atuuttusaaq pissarsiarivaa, 19. December 2022-imi. Taamaasilluni Kaajallatsitaq 2022-imut tunngasoq massakkut atorunnaarsimalerpoq.

Atuilluartuunissakkut kingunerisinnaasai

Immikkoortortamut atuilluartuussaaq inatsisit malillugit aningaasatigut ikiorsiissutit ingerlappata.

Aningaasaqarnikkut allaffissornikkullu kingunerisinnaasai

Aningaasartuutissat ilaatigut annertuseriassapput, taannalu kommunemut aningaasartuutit qaffaatigissavai.

Allaffeqarfiup naliliinera

Allaffissornikkut malinneqassapput kaajallatsitami maleqquneqartut.

Innersuussut

Atugarissaarnermut Immikkoortorta qarfiup Atugarissaarnermut Ataatsimiititaliamut innersuussutigivaa akuereqqullugu

1. Kaajallatsitaq nutaaq tusaatissatut tigussallugu, malillugulu.

Aalajangiineq

Innersuussut tusaatissatut tiguneqarpoq.

Ilanngussat

1. Cirkulære om gældende Sociale kontantydelse nr. 297 KAL endelig underskrevet
2. Cirkulære om gældende Sociale kontantydelse nr. 297 DK endelig underskrevet
3. Bilag 1 til 4 Cirkulære om gældende Sociale kontantydelse nr. 297 DK og KAL

08. Tamalaat

Imm. 8.1 Tamalaat

Paneeraq Olsen apeqquteqarpoq.: angerlarsimaffiup avataanut inissitat qanoq annertutigisut akiligassat paasissutissiissutigineqartarnissaa, malinnaaffigineqarnissaat

Siulittaasumik akineqarpoq.: Sulisut paasiniaafigilaariarlugit akineqassaaq.

Agathe Fontain apeqqutigeqarpoq PISOQ-mi najugalik pillugu. Estellamik akineqarpoq